

关于桃花的诗

1.
桃花零落怨春回，松下朱门向水开。燕子不知非旧客，依然还取故巢来。
——张嶮《二月二十四日至魏塘七首·桃花零落怨春回》
2.
桃花春色暖先开，明媚谁人不看来。可惜狂风吹落后，殷红片片点莓苔。
——周朴《桃花》
3.
游子春衫已试单，桃花飞尽野梅酸。怪来一夜蛙声歇，又作东风十日寒。
——吴涛《绝句》
4.
寻得桃源好避秦，桃红又是一年春。花飞莫遣随流水，怕有渔郎来问津。
——谢枋得《庆庵寺桃花》
5.
春坞桃花发，多将野客游。日西殊未散，看望酒缸头。
——张籍《和韦开州盛山十二首·桃坞》
6.
满树和娇烂漫红，万枝丹彩灼春融。何当结作千年实，将示人间造化工。
——吴融《桃花》
7.
桃花浪暖锦层层，勤尔渔郎莫下罨。恐有鲤鱼鳞甲变，龙门三月要蜚腾。
——唐寅《题画廿四首·桃花浪暖锦层层》

8.
林卧愁春尽，拏帷览物华。忽逢青鸟使，邀入赤松家。金灶初开火，仙桃正发花。童颜若可驻，何惜醉流霞。——孟浩然《清明日宴梅道士房/宴梅道士山房》
9.
一种玄都旧种花，谁将缟雪换蒸霞。群仙醉啖瑶池果，况核曾封白玉砂。——方回《碧桃花》
10.
西塞山前白鹭飞，桃花流水鳜鱼肥。青箬笠，绿蓑衣，斜风细雨不须归。——张志和《渔歌子·西塞山前白鹭飞》
11.
游子春衫已试单，桃花飞尽野梅酸。任来一夜蛙声歇，又作东风十日寒。——吴涛《绝句》
12.
竹外桃花三两枝，春江水暖鸭先知。蒹蒿满地芦芽短，正是河豚欲上时。——苏轼《惠崇春江晚景》
13.
野店桃花红粉姿，陌头杨柳绿烟丝。不因送客东城去，过却春光总不知。——赵孟頫《东城》
14.
双飞燕子几时回？夹岸桃花蘸水开。春雨断桥人不度，小舟撑出柳阴来。——徐俯《春游湖》
15.
两株桃杏映篱斜，妆点商州副使家。何事春风容不得？和莺吹折数枝花。——王禹偁《春居杂兴》
- 16.

紫陌红尘拂面来，无人不道看花回。玄都观里桃千树，尽是刘郎去后栽。
。——刘禹锡《元和十年自朗州至京戏赠看花诸君子/玄都观桃花》

17.

阴阴溪曲绿交加，小雨翻萍上浅沙。鹅鸭不知春去尽，争随流水趁桃花。
。——晁冲之《春日》

18.

百叶双桃晚更红，窥窗映竹见玲珑。应知侍史归天上，故伴仙郎宿禁中。
。——韩愈《题百叶桃花》

19.

桃花羞作无情死，感激东风。吹落娇红，飞入闲窗伴懊侬。谁怜辛苦东
阳瘦，也为春慵。不及芙蓉，一片幽情冷处浓。——纳兰性德《采桑子
·桃花羞作无情死》

20.

黄师塔前江水东，春光懒困倚微风。桃花一簇开无主，可爱深红爱浅红
？——杜甫《江畔独步寻花·其五》

21.

二月春归风雨天，碧桃花下感流年。残红尚有三千树，不及初开一朵鲜
。——袁枚《题桃花》

22.

玉树歌残迹已陈，南朝宫殿柳条新。福王少小风流惯。不爱江山爱美人
。——陈于王《题桃花扇传奇》

23.

隔岸桃花红未半。枝头已有蜂儿乱。惆怅武陵人不管。清梦断。亭亭伫
立春宵短。——王安石《渔家傲·隔岸桃花红未半》

24.

露桃花里小楼深，持玉盏，听瑶琴。醉归青琐入鸳衾，月色照衣襟。山

枕上，翠钿镇眉心。——顾夔《甘州子·露桃花里小楼深》

25.

江上人家桃树枝，春寒细雨出疏篱。影遭碧水潜勾引，风妒红花却倒吹。
。——杜甫《风雨看舟前落花绝句》

26.

年少刘郎初见时，似笑东风三两枝。刘郎白发欲再见，前溪落尽迷佳期。
。——李新《桃花》

27.

雨歇杨林东渡头，永和三日荡轻舟。故人家在桃花岸，直到门前溪水流。
。——常建《三日寻李九庄》

28.

千叶桃花胜百花，孤荣春晚驻年华。若教避俗秦人见，知向河源旧侣夸。
。——杨凭《千叶桃花》

29.

千株含露态，何处照人红。风暖仙源里，春和水国中。流莺应见落，舞蝶未知空。
拟欲求图画，枝枝带竹丛。——齐己《桃花》

30.

去年今日此门中，人面桃花相映红。人面不知何处去，桃花依旧笑春风。
。——崔护《题都城南庄》

31.

雨过横塘水满堤，乱山高下路东西。一番桃李花开尽，惟有青青草色齐。
。——曾巩《城南》

32.

菊花忽作桃花面，放眼难看九月黄。花不见桃惟见菊，又将红雨学啼妆。
。——朱翌《桃花菊》

33.

桃红复含宿雨，柳绿更带朝烟。花落家童未扫，莺啼山客犹眠。——王维《田园乐·其六》

34.

村南无限桃花发，唯我多情独自来。日暮风吹红满地，无人解惜为谁开。——白居易《下邳庄南桃花》

35.

问余何意栖碧山，笑而不答心自闲。桃花流水窅然去，别有天地非人间。——李白《山中问答》

36.

种树临溪流，开亭望城郭。当年孟张辈，载酒来行乐。斯人久埃灭，节物今犹昨。看取不言华，春风自相约。——贺铸《历阳十咏之九桃花坞》

37.

春去也，共惜艳阳年。犹有桃花流水上，无辞竹叶醉尊前。惟待见青天。——刘禹锡《忆江南》

38.

花泾二月桃花发，霞照波心锦裹山。说与东风直须惜，莫吹一片落人间。——陆游《泛舟观桃花》

39.

隐隐飞桥隔野烟，石矶西畔问渔船。桃花尽日随流水，洞在清溪何处边？——张旭《桃花溪》

40.

人间四月芳菲尽，山寺桃花始盛开。长恨春归无觅处，不知转入此中来。——白居易《大林寺桃花》

41.

桃花浅深处，似匀深浅妆。春风助肠断，吹落白衣裳。——元稹《桃花》

42.

桃花几片隔墙飞，独自危楼徙倚时。目送断鸿云外没，东风吹泪落天涯。——吴潜《占春亭即事三首·桃花几片隔墙飞》

43.

桃花水到报平渠，喜动新流见跃鱼。一枕羲皇午梦后，数行小试右军书。——黄图安《闲咏二绝·其二》

44.

三十年来寻剑客，几回落叶又抽枝。自从一见桃花后，直至如今更不疑。——志勤《三十年来寻剑客》

45.

一帘红雨桃花谢，十里清阴柳影斜。洛阳花酒一时别。春去也，闲煞旧蜂蝶。——胡祇遹《阳春曲·春景》

46.

山桃红花满上头，蜀江春水拍山流。花红易衰似郎意，水流无限似依愁。——刘禹锡《竹枝词·山桃红花满上头》

47.

樱桃花，一枝两枝千万朵。花砖曾立摘花人，窣破罗裙红似火。——元稹《樱桃花》

48.

尽是刘郎手自栽，刘郎去后几番开。东君有意能相顾，蛺蝶无情更不来。——朱淑真《窗西桃花盛开》

49.

凉月如眉挂柳湾，越中山色镜中看。兰溪三日桃花雨，半夜鲤鱼来上滩。——戴叔伦《兰溪棹歌》

50.

小桃花动著枝浓。移得伴衰翁。多谢天公怜我，一时染就轻红。春光犹在，花枝未老，莫放尊空。休倚半岩烟树，能消几度东风。——周紫芝《朝中措·移桃花作》

51.

山滴岚光水拍堤，草香沙暖净无泥。只疑误入武林溪。两岸桃花烘日出，四围高柳到天垂。一尊心事百年期。——姜夔《浣溪沙·山滴岚光水拍堤》

52.

小桃无主自开花，烟草茫茫带晓鸦。几处败垣围故井，向来一一是人家的。——戴复古《淮村兵后》

53.

彭蠡湖天晚，桃花水气春。鸟飞千白点，日没半红轮。何必为迁客，无劳是病身。但来临此望，少有不愁人。——白居易《彭蠡湖晚归》

54.

肠断春江欲尽头，杖藜徐步立芳洲。颠狂柳絮随风去，轻薄桃花逐水流。——杜甫《绝句漫兴九首·其五》

55.

一抹残红散绮霞，因风吹恨落谁家。那堪移向瑶池种，留得千年看实花。——赵希逢《和桃花·一抹残红散绮霞》

56.

山泉散漫绕街流，万树桃花映小楼。闲读道书慵未起，水晶帘下看梳头。——白居易《离思五首·其二》

57.

鹦鹉来过吴江水，江上洲传鹦鹉名。鹦鹉西飞陇山去，芳洲之树何青青。烟开兰叶香风暖，岸夹桃花锦浪生。迁客此时徒极目，长洲孤月向谁明。——李白《鹦鹉洲》

58.

犬吠水声中，桃花带露浓。树深时见鹿，溪午不闻钟。野竹分青霭，飞泉挂碧峰。无人知所去，愁倚两三松。——李白《访戴天山道士不遇》

59.

小桃灼灼柳鬢鬢，春色满江南。雨晴风暖烟淡，天气正醺酣。山泼黛，水挼蓝，翠相搀。歌楼酒旆，故故招人，权典青衫。——黄庭坚《诉衷情·小桃灼灼柳鬢鬢》

60.

一春略无十日晴，处处浮云将雨行。野田春水碧于镜，人影渡傍鸥不惊。桃花嫣然出篱笑，似开未开最有情。茅茨烟暝客衣湿，破梦午鸡啼一声。——汪藻《春日》

61.

边烽警榆塞，侠客度桑乾。柳叶开银镝，桃花照玉鞍。满月临弓影，连星入剑端。不学燕丹客，徒歌易水寒。——骆宾王《送郑少府入辽共赋侠客远从戎》

62.

隐隐飞桥隔野烟，石矶西畔问渔船。桃花尽日随流水，洞在清溪何处边。——张旭《桃花溪》

63.

华阳巾子碧绦环，紫府帘前旧押班。阿母筵头争一掷，醉中输却小蓬山。——袁宏道《桃花流水引四首·华阳巾子碧绦环》

本文链接：<https://duanjuziku.com/duanjuzi/63b9qzfccq.html>